

## POZIV ZA STIPENDIRANJE MLADIH KNJIŽEVNIH KRITIČARA/KI, KOLUMNISTA/ICA, NOVINARA/KI I STUDENATA/ICA

Povodom Trećeg internacionalnog festivala književnosti *Bookstan*, koji će se održati od 4. do 7. jula 2018. godine, izdavačka kuća Buybook dodjeljuje dvadeset stipendija za edukativno-kritičku radionicu pod nazivom *Kako čitati romanopisca?*, koja će trajati od 30. juna do 7. jula 2018. godine.

Prijavu je potrebno poslati na e-mail adresu [radionica@buybook.ba](mailto:radionica@buybook.ba) do **28. maja 2018.** godine. Prijava za dodjelu stipendija treba sadržavati **ispunjen prijavni obrazac, biografiju i dva autorska rada** iz oblasti književne kritike, esejistike, znanstvene publicistike, a u obzir dolaze i stručni i naučni radovi, te književne i/ili novinarske kolumne.

Stipendija je namijenjena studentima/cama i književno-umjetničkim kritičarima/kama. Na poziv se mogu prijaviti mladi od 18 do 30 godina koji aktivno govore engleski jezik.

Zadaci za **kandidate koji prođu selekciju** bit će podijeljeni u tri segmenta:


Prva faza je pisanje teksta u formi novinska književna kritika koji se treba dostaviti do 22. juna, a zadatak će biti naveden u pozivnom pismu.

Druga faza podrazumijevat će zadatke koji se tiču praćenja događaja Festivala; navedeni tekstovi bit će objavljeni na društvenim mrežama i web-stranicama Buybooka i Bookstana.

Treća faza je pohađanje predavanja i radionica s uglednim predavačima u vrijeme trajanja programa.

Voditelj ovogodišnje radionice je Kruno Lokotar, istaknuti urednik i referentna ličnost u današnjem izdavaštvu. Zaslužan je za afirmaciju brojnih autora/ica koji/e danas čine centralni dio regionalne književne scene, te je pokretač brojnih književnih festivala i književnih nagrada.

Pored Krune Lokotara, učesnici/e će imati priliku slušati još osam predavača.



Stipendija pokriva troškove radionice i hranu, te smještaj u hostelu i troškove autobuske karte za učesnike koji dolaze izvan Sarajeva.

Stručni žiri odabrat će dvadeset polaznika/ica programa kojima će po realizaciji zadatka biti dodijeljena priznanja, a najboljima i nagrade.

Svi odabrani učesnici/e obavezni su da prisustvuju cijelom programu radionice i festivala u trajanju od 30. juna do 7. jula 2018. godine.

Nepotpune prijave neće biti razmatrane. Zvanične potvrde učešća poslat ćemo odabranim kandidatima najkasnije do **08. juna 2018.** godine, uz detaljniji program rada i potrebne logističke informacije.

Sretno svima!